
La Sommaton de la ville et seigneurie de Gennes, faicte par monseigneur le connestable. Ensemble ce qui s'est passé à la Valtoline par l'armee du Roy, commandee par Monsieur le marquis de Coeuvre.

Type d'objet représenté : Livre, monographie

Lieu de création de l'objet original : Paris (France)

Identifiant(s) : XXII.87.008(E)(Guerre 7) [16°] (Cote ULiège); 700602226 (Code-barres ULiège)

Accès ouvert - Domaine public

URL permanente : <http://hdl.handle.net/2268.1/7579>

Les reproductions numériques disponibles sur DONum sont en faible résolution, facilitant le téléchargement. Des fichiers de haute qualité peuvent être obtenus sur conditions, via notre formulaire de contact (feedback).

Certaines de ces reproductions peuvent être payantes. Un devis vous sera envoyé par courriel.

Les documents disponibles sur DONum peuvent être protégés par le droit d'auteur. Ils sont soumis aux règles habituelles de bon usage.

LA
SOMMATION
DE LA VILLE ET
Seigneurie de Gennes, faicte
par Monseigneur le
Connestable.


*Ensemble ce qui s'est passé à la Valtoline
par l'armée du Roy, commandee par
Monsieur le Marquis de Cœuvre.*



A PARIS,
Chez JEAN MARTIN, rue
de la vieille Bouclerie à l'Escu
de Bretagne.

M. DC. XXV.

10





L A

SOMMATION

DE LA VILLE ET

Seigneurie de Gennes faite

par Monseigneur le

Connestable.

*Ensemble ce qui s'est passé à la Valto-
line par l'armée du Roy, commandee
par Monsieur le Marquis
de Cœuvre.*



ONSEIGNEUR le Conne-
stable, ayant passé les
Monts avec toute son ar-
mée, est à la fin arriué à Aste en
Piedmont, d'où apres quelque se-
jour, il est deslogé pour executer
son dessein. Et estant venu deuant

A ij

Nisa della Baglia, place de tres-grande consequence, sur le chemin de Gennes à Milan, l'a fait fommer au nom du Roy. Ceux de dedans voyants sa puissante armee, & le peu d'esperance qu'ils auoient d'estre secourus, se sont rendus à composition.

Son Altesse de Sauoye d'autre part alla assaillir le fort & Chasteau d'Anon assis au Milanois, menant quand & foy quarante sept pieces de canon & sept cents chariots chargez de tout ce qui est requis à la guerre.

Après s'en alla tout droit vers Bella Stroë, qui peu apres se rendit. Ce qui cause vne grande apprehension en Italie.

Puis Monseigneur le Conestable enuoya vn Heraut à Messieurs de Gennes pour les fommer

& enioindre, qu'ils eussent à remettre le Roy de France en possession de toute la Seigneurie dudit Gennes : Comme autres fois il en auoit esté payfible possesseur, où qu'en cas de refus il sçauoit le moyen de les y contraindre, & de les renger à leur deuoir par force.

Le Heraut n'ayant peu obtenir sa demande, fit son rapport à Monseigneur le Connestable, qui incontinent mit son armee en campagne, se rendit maistre des lieux plus voisins : comme aussi de Rossiglione, s'approchant tousiours de plus en plus de la ville de Gennes.

Ceux dedans voyants bien, que l'on à enuie de les auoir à quelque prix que ce soit, se fortifient grandement, & mettent à l'entour de la ville plusieurs nouveaux ba-

stions , remparts , boulevarts & forteresses.

Et d'autant que les François marchoiēt droit à Ramceron, la Seigneurie a enuoyé des gens de guerre pour leur couper chemin, & garder le passage de ladite ville de Gennes & de Sauone.

Plus, a commandé à tous ceux qui s'estoient retirez & enfuits de Noui, d'y retourner sous peine de la corde.

Ils auoient demandé au Gouverneur de milan permission de leuer au milanois deux mil pietons & cinq cens cuirassiers.

Le Gouverneur voyant les affaires de la Valtoline leur a octroyé les cuirassiers apres beaucoup de prieres : mais les pietons leur ont esté refusez.

Les Galleres du Duc de d'Oria,

qui estoient à Cartagena, sont ar-
riuez à Gennes avec six cens hom-
mes.

Ceux de Venise ont enuoyé en
la Valtoline cent cinquante che-
uaux de charettes avec diuerfes
munitions & viures.

Plus, deux cens pionniers pour
estre employez au siege de Riua,
dont on espere que le Marquis de
Cœuure se rendra bien tost mai-
stre: Car il a faiët venir quelques
grandes Nauires pour embarquer
& passer les Soldats, qui ont viue-
ment attaqué ce fort: mais d'au-
tant que les quatre mil Espagnols
qui gardent la place avec le Com-
te de Sarbelone, n'ont pas enuie
de la quitter, il a fallu venir aux
mains, tellement que l'on y a des-
ja fait deux furieuses escarmou-
ches, esquelles sont tombez plus

de cinq cens hommes de part & d'autre.

Les Venitiens ont mis sur pied (compris le Regiment de Schualisky & Etchers) quinze mil hommes, qui ont passé par Svuits & se iointront avec les dix mil Soldats du comte de Thourn.

La gend'armerie de l'Empereur à passé le mont sainct Godard.

Ceux de Lucem & de Zurich craignans qu'on ne face quelque irruption en leur pays, ont pris resolution d'enuoyer secours aux François en Italie.

Les Espagnols equippent trente deux Galions, & le Clergé auroit promis au Roy de luy entretenir trente mil hommes.

On escrit de constantinople, que le Roy de Perse y a enuoyé vn Ambassadeur, pour faire la paix
avec

avec le Sultan, qui auroit esté fort
resiouy de ceste offre, à fin d'em-
ployer toutes les forces contre les
Cosacques.

Et a le dit Sultan enioinct à tous
les Baschas de Hongrie & d'autres
Prouinces d'amasser tant de gens
que possible leur sera, à fin qu'e-
stant assisté de toutes parts, il aye
meilleur moyen de leur faire la
barbe.

C'est pourquoy on croit que la
paix est faite entre le dit Sultan &
le Roy de Perse.

Viennes.

Nous n'auons encores rien d'as-
seuré concernant la paix avec le
Turc: car encor que les clauses
avec les conditions soient prises
& arrestees au Cōseil, si est ce que

le peuple n'en sera point aduerty
qu'apres la Pentecoste.

Il est arriué icy le Chancelier de
Bethlehem Gabor, mais nous ne
sçauons pas à quel dessein.

Aussi est-il venu depuis vn
Ambassadeur de Pologne, & a
obtenu audience le lendemain:
Cestuy-cy a demandé Cordolert
pour l'Archiduc Charles, & l'E-
uesché de Neus pour le Prince
puisné de Pologne.

Le Marquis craignant que no-
stre armee luy vint courir sur luy,
amis le feu en plusieurs villages,
hameaux & autres maisons es-
cartées, apres auoir fait emmener
le peu de fourrage qu'il y trouuoit.
Et la pauvreté est si grande entre
la cauallerie, que leurs cheuaux
meurent de faim.

Nostre armée Dieu mercy, ne manque point de viures, fourrage, ny d'aucune chose necessaire: car il nous vient plus de Nauires chargées tous les iours, qu'il ne vient de Chariots au Marquis; lesquels viennent souuentesfois vuidés à l'Armée, ayants esté détroussé, tantost par les nostres, tantost par les Cosaques.

L'armée dudit Marquis s'accroist de iour en iour, mais d'autre costé il en perd si grand nombre qui luy monstre lestalons, que c'est chose incroyable, & en perdra bien d'auantage lors que nostre Armée sera bien formée.

Il a osté plusieurs pieces de canon, qui estoient braquées sur la ville, & les fait manier sur des batteries, aux endroiets où il a peur

d'estre attaqué par les nostres.

Il faict aussi pour mieux resister
à nostre Armée, de nouveaux
forts, retranchemens, ravelins &
redoutes.

Mais nous croyons que tout ne
luy seruira de guere, d'autant qu'il
sera bien tost contrainct de leuer
le siege à cause de leur grande cher-
té de pain, biere & autres viues.

Les pauures soldats ont esté il y
à plus de trois mois encouragés
d'une vaine esperance, croyans
que ceux de la ville seroient par
famine contraincts de se rendre,
mais voyant le courage des as-
siegez se trouuent trompez.

On nous escrit de Berg sur
hom, que quelques compagnies
de caualerie du Comte d'Anhalt
sont mal contentes, & qu'ils eux

ce sont mutinez & veulent estre payez par force, dont il n'y a pas grande apparence. Et le Marquis a député d'autres compagnies pour prendre garde à eux, de peur qu'ils ne brassent quelque malheur.

Ceux de Breda sont encor en mesme estat.

On y prend grande quantité de poisson, & beaucoup plus que de coustume, ce qui leur sert grandement en ceste necessité, & espargne les autres viures.

Ils voyent d'une tour les navires, preparatifs & arriuéee des nostres: & desirent avec impatience que la monstre se face, à fin qu'ils se puissent preparer à seconder ceux qui les viendront secourir.

Le rendez-vous des nostres est à Langstrate entre Breda & Bosleduc.

Son Excellance Prince Henry de Massau avant que partir de la Haye, a fait sortir Madame sa femme hors le Palais du Roy de Boheme, & la mence à son Hostel, luy donnant toutes les sales & chambres qui ont esté à feu sa mere.

F I N.

Faint, illegible text, likely bleed-through from the reverse side of the page.

A. P. A. T. S.

M. D. C.

